

1670. ՌՃԺԹ. Պր. Ստեփան Սարգսեան Ռոշքայ՝ հայր իմ՝ մեռաւ, մարտի 28. եւ ընծայեցայ օգոստոսի 12 ըստ հնոյն, Լատինաց 22:

1671. ՌՃԻ. Յօհաննէս Քարմատանենց Լէօպոլսեցի եպիսկոպոս սուֆրա-կան (օգնական կամ տեղակալ), մինչ Նիկողայոս արքեպիսկոպոսն էր ի Հռովմ, կառավարէր զեկեղեցիս մեր. զբազում բարեկարգութիւնս արարեալ՝ տրամադրեաց զՊատարագատետրն և զՄաշտոցն Հայոց՝ քաջ ուղղափառ, եղեւ ի Հռովմ. և զկնի աշխատանաց հանգեաւ ի Քրիստոս, յամի Տեառն 1678:

1675. ՌՃԻԳ. Նիկողայոս արքեպիսկոպոսն թոյլատուութեամբ Ս. Ժողովոյն, ընարէ և ձեռնադրէ յաջորդ իւր զՏէր Վարդան Յունանեան, աշուամբ եպիսկոպոս Եպիֆանիոյ. և առեալ զիշխանութիւն ի Սրբազան փափէն, զպարգեւս զանազանս և զմակագրութիւն ընտանի և առննթերակաց Բրէշագի և Գավալերի Ս. Միքայելի, դառնայ ի Լէօպոլիս: Առնէ բազում ուղղութիւնս, զայցարարութիւնս եկեղեցեաց, զեղբայրակցութիւն Ս. Գրիգորի Լուսաւորչին և զԱստուածածնին սահմանէ և հաստատէ ի Լէօպոլիս:

Վարդանս այս էր որդի Յունանու քահանայի, ուստի Յունանեան կոչեցաւ, ի ձաղու զեղջէն մերձ Թօխաթու. էր ճարտար գրագիր, ուշիմ և հմուտ բառիցն Հայոց: Երթեալ յԷջմիածին, և անտի ընդ նուիրակի գայ ի Լեհաստան. ուր զբարեկարգութիւն և զուղղափառութիւն Հայոց տեսեալ՝ մտանէ ի Դպրատունն Հայոց. ուստի զկնի ուսանելոյն ինչ լատիներէն՝ գնայ ի Հռովմ, և ի դպրատանն Ուրբանեան ուսեալ կատարելապէս զլատին լեզու, թարգմանէ (զԱռաջնորդ?) յերկինս, յամի Տեառն 1671. տպի գեղեցիկ ոճով, բայց խրթին և նոր բառիւք: Զկնի արքեպիսկոպոսին Նիկողայոսի՝ ոչ շատ յամեցեալ և ինքն ի Հռովմ, դառնայ ի Լէօպոլիս. բայց զի Նիկողայոս առոյգ էր և առողջ, առեալ զհրաման ի Ս. Ժողովոյն՝ երթայ ի Հայաստան քարոզելոյ աղագաւ. ուր ընդ ամս իբր տասն տեւէ:

1681. ՌՃԼ. Նիկողայոս Թորոսովին արքեպիսկոպոսն Լէօպոլսի զորով ամաց 85, յայսմ ամի մարտի 21, յետ անպատմելի աշխատանաց իւրոց՝ արդեամբք լի հանգեաւ ի Քրիստոս, ի Լէօպոլիս: Սա էր որդի Պարոն Յակոբայ Թորոսովիչ մեծատան Լէօպոլսեցոյ. այր փառահեղ, քաղաքավար, խոհեմ, ճարտար յառնելիսն, և ամենայն գովեստից արժանի. զի երկարաձիգ ամաց տաժանմամբն՝ երկիցս ի Հռովմ, երկիցս յարեւելս երթալով, զազգ մեր Հայոց ի Լեհաստանն՝ ի հնազանդութիւն սուրբ մօր եկեղեցւոյն Հռովմայ դարձոյց. յորմէ և ի Մաճառս և յայլ տեղիս ուղղափառութիւնն սփռեցաւ. զսէր և զպատիւ ազգիս մերոյ՝ առ ամենայն ազինս բարգաւաճեաց. զաշուն անմահ յիշատակի ինքեան թողեալ:

1875. ՌՃԼԳ. Ստեփաննոս Լէօպոլսեցի վարդապետն Լեհացի, յազատ